

Նազրու թեամբ երկաթագիր Մեսրոպեան տառիւք յօրինեալ մուզայիւք : Ութն գերեզմանք 'ի մի կարգ ծածկեալ կամարաւ , և 'ի վերայ նոցա հարթ հաւասար , յօրինուածք սքանչելի պատկերաց և ծաղկանց գոյն զգոյն մուզայիւք : 'ի չորից մասանց մի մասն միայն զերծեալ , յորոց վերայ երեւի հոյակապ կամար դրան՝ եւ 'ի միջի նորա գտան , 3 ձկունք յերիս շրջանակս՝ զանազանեալ 'ի միմեանց , արծիւ , ողկոյզ խաղողոյ երկու , բաղ , և այլ ծաղիկք , եւ յեզրն արձանագիր այսպէս .

ԱՅՍ ԳԻՐ Է ԵՐԱՆՆԵԼՈՒՀՈՒ ՇՈՒՇԱՆԿԱՆ
ՄԱՌԻՆ ԱՐՏԱՒԱՆԱՅ ՀՈՒՒ ԺԸ .

Արտաւան որդի Յովհաննու Արշակունւոյ (539) , ցուցեալ բազում քաջութիւնս 'ի պատերազմին Սոսրովու Պարսից արքային , ապա զինուորեալ 'ի դուռն Կայսեր , առաքեցաւ յԱփրիկէ ընդդէմ Գանթարայ : Տէս Պար . Հայոց , Հ . Մ . Չափէս . Հար . Բ . 241 . 251 : Մայր սորա Շուշանիկ եկեալ յերուսաղէմ վախճանի , և թագի անդ 'ի վանտ Ս . Կարապետին , որ եւ յետոյ որդի նորին տայ յօրինել շիրիմ 'ի վերայ նորա : Իցէ թէ և յաւերեալ տեղիսն հին նշանակք եւ արձանագիրք թերեւս յայտնէին զանուանս այլոց , այլ դատանութիւն ժամանակին ծածկեալ է զայնս :

Մերձ սոցա են 2 բաւիղք իբր շտեմարան . 'ի միումն նկարեալ էին Սաքք 3 'ի վերայ ծեփի , և 'ի միւսումն երեւէին հայեցի տառք : Ի վերայ սոցա կառոյց վանահայրն Ռուսաց սենեակս՝ անեղծ պահելով զհնութիւնսն . սորա հիւսիսային կողմն է աւերակն եկեղեցւոյ , զոր քանդեալ վանահայրն կառոյց 'ի տեղի նորա սենեակս վայելուչս , և առաջի նորա տնկեաց զանտառս նոճեաց :

Յարեւելից կուսէ շինուածոյս գտանին 16 դամբարանք շինեալք քարուկիր երկկարգ ուրոյն ուրոյն , ոմանց կափարիչքն ամբողջք և ծածկեալք , եւ ոմանց խորտակեալ եւ բացեալ . 'ի վերայ նոցա ընթերցեալ լինին անուանքդ ԶՈՋԻԿ . ՇՈՒՇԱՆ ԷՍ . ՄԱՌԻՆ . և այլքն եղծեալ են :

Սակաւ ինչ հեռի 'ի սոցանէ է և առանձին շիրիմ , յորոց վերայ յօրինեալ և գրեալ է մուզայիւք յետագայ տապանագիրն :